

摛藻堂四庫全書薈要

集部

欽定四庫全書叢書要

集部

後山集卷一

詳校官助教臣謝登雋



欽定四庫全書叢要

後山集目錄

卷一

五言古詩四十六首

卷二

五言古詩四十一首

卷三

七言古詩四十八首

卷四

五言律詩一百九首

卷五

五言律詩一百八首

五言排律五首

卷六

七言律詩七十六首

卷七

七言律詩七十一首

卷八

五言絕句三十二首

七言絕句一百四十五首

卷九

書一十通

卷十

書二十七通

卷十一

序九篇

卷十二

記一十五篇

卷十三

論四篇

卷十四

策二道

策問一十八首

卷十五

表一十三道

啟一十三通

祭文七道

卷十六

墓銘一十道

墓表二道

行狀二道

神道碑一道

卷十七

雜著三十九首

卷十八

談叢三十三條

卷十九

談叢七十六條

卷二十

談叢四十九條

卷二十一

談叢七十四條

卷二十二

理究三十七條

卷二十三

詩話八十條

卷二十四

長短句四十九首

雜體詩一首

臣等謹案後山集二十四卷宋陳師道撰師

道字履常一字無已彭城人受業曾鞏之門

又學詩於黃庭堅元祐初以蘇軾薦除教授

後召為祕書省正字事蹟具宋史文苑傳師

道集為其門人彭城魏衍所編前有衍記稱

以甲乙丙稿合而校之得詩四百六十五篇  
分為六卷文一百四十篇分為十四卷詩話  
談叢則各自為集云云徐度却掃編稱師道  
吟詩至苦竄易至多有不如意則棄稿世所  
傳多偽惟魏衍本為善是也此本為明馬櫟  
所傳而松江趙鴻烈所重刊凡詩七百六十  
五篇編八卷文一百七十一篇編九卷談叢  
編四卷詩話理究長短句各一卷又非衍之

舊本方回稱謝克家所傳有後山外集或後人合併也其五言古詩出入郊島之間意所孤詰殆不可攀而生硬之處則未脫江西之習七言古詩頗學韓愈亦間似黃庭堅而頗傷謇直篇什不多自知非所長也五言律詩佳處往往逼杜甫而間失之僻澀七言律詩風骨磊落而間失之太快太盡五七言絕句純為杜甫遺興之格未合中聲長短句亦自

為別調不甚當行大抵詞不如詩詩絕句不如古詩古詩不如律詩律詩則七言不如五言方回諸人一祖三宗之說未免太過馮班諸人肆意詆排要亦非篤論也其古文在當日殊不擅名然簡嚴密栗實不在李翹孫樵之下殆為歐蘇曾王盛名所掩故世不甚推棄短取長固不失為北宋巨手也乾隆四十二年三月恭校上

總纂官臣紀昀臣陸錫熊臣孫士毅  
總校官臣陸費墀

後山集原序

先生姓陳諱師道字履常一字無已彭城人幼好學行其所知慕古作者不為進取計也年十六謁南豐先生曾公鞏曾大器之遂受業於門元豐四年神宗皇帝命曾典史事且謂修史最難申敕切至曾薦為其屬朝廷以白衣難之方復請而以憂去遂寢太學又薦其文行乞為學錄不就樞密章公惇高其義冀來見特薦於朝而終不一往元祐初翰林學士蘇公軾與侍從列薦乃

官之俾教授其鄉未幾除太學博士言事者謂先生嘗謁告詣南都見蘇公為私遂罷移潁州教授紹聖初又以餘黨罷換江州彭澤令未行丁母憂寓僧舍人不堪其貧暨外除猶不言仕者凡四年左右圖書日以討論為務蓋其志專欲以文學名後世也元符三年除棣州教授隨除秘書省正字將用矣歿於建中靖國元年十二月之二十九日年四十九友人鄒公浩買棺以殮朝廷特賜絹二百疋嘗與往來者共謄之然後得歸初先

生學於曾公譽望甚偉及見豫章黃公庭堅詩愛不捨  
手卒從其學黃亦不讓士或謂先生過之惟自謂不及  
也先生既歿其子豐登以全藁授衍曰先實知子子為  
編次而狀其行衍既狀其行矣親錄藏於家者今十三  
年顧未敢當也衍嘗謂唐韓愈文冠當代其傳門人李  
漢所編衍從先生學者七年所得為多今又受其所遺  
甲乙丙藁皆先生親筆合而校之得古律詩四百六十  
五篇文一百四十篇詩曰五七雜以古律文曰千百不

分類衍今離詩為六卷類文為十四卷次皆從舊合二十卷目錄一卷又手書之竊惟先生之文簡重典雅法度謹嚴詩語精妙蓋未嘗無謂而作其志意行事班班見於其中小不逮意則棄去故家之所留者止此昔漢揚雄作太玄法言箴賦如劉歆號知文始敬之後而短毀謂其必傳者桓譚一人而已先生之文早見稱於曾蘇二公世人好之者猶以二公故也今賢士大夫競收藏之則其傳也奚待於衍耶後豈不有得手寫故本以

證其誤者則不肖之名因附茲以不朽為幸焉其闕方求而補諸又有解洪範相表闡微彰善詩話談叢各自為集云政和五年十月六日門人彭城魏衍謹記

建中靖國辛巳之冬雲別涪翁於荊州翁曰陳無己天下士也其讀書如禹之治水知天下之脉絡有開有塞至於九川滌源四海會同者也其論事救首救尾如常山之蛇其作文深知古人之關鍵其作詩深得老杜之句法今之詩人不能當也子有意學問不可不往埽斯

人之門雲再拜受教明年春至京賢士大夫出涕相弔曰無已亡矣雲驚歎失聲痛恨無窮泊來彭城求先生詩文且四年僅見一二最後得昌世所集凡六百五篇琮璜珩瑀貫列大備雲曰幸矣至寶不沒乃今有獲因記涪翁之語錄以示昌世自昔名世之士著書立言必賴其徒傳之文中子講道河汾以續六經房魏之倫皆北面受業及登廊廟不能顯傳其書卒以泯絕論者至今惜之昌世先生之高弟操行文章雅擅先生之風雖

隱約布韋而所立絕人不苟徇合故能蒐拾遺文成一家之言又序先生出處之大節其辭蔚然讀之使人凜凜增慕然先生之道必傳於後世者昌世之力也千載之下可以知其賢矣政和丙申正月甲午元城王雲題讀後山詩大似叅曹洞禪不犯正位切忌死語非冥搜旁引莫窺其用意深處此詩註所以作也近時刊本叅錯繆誤政和中王雲子飛得後山門人魏行親授本編次有序歲月可考今悉據依略加緒正詩止六卷益以

注卷各釐為上下作之有謂而存之可傳無恠夫詩之  
少也衍字昌世作後山集記頗能道其出處今置之篇  
首後有學者得以覽觀焉天祐任淵書

欽定四庫全書會要卷一萬五千三百五十八

集部

後山集卷一

宋 陳師道 撰

詩 五言古

妾薄命二首

為曾南  
豐作

主家十二樓一身當三千古來妾薄命事主不盡年起  
舞為主壽相送南陽阡忍着主衣裳為人作春妍有聲當  
徹天有淚當徹泉死者恐無知妾身長自憐

葉落風不起山空花自紅捐世不待老患妾無其終一  
死尚可忍百歲何當窮天地豈不寬妾身自不容死者  
如有知殺身以相從向來歌舞地夜雨鳴寒蛩

送外舅郭大夫槩西川提刑

大人東南來復作西南去連年萬里別更覺貧賤苦王  
事有期程親年當喜懼畏與妻子別已復迫曛暮何者  
最可憐兒生未知父盜賊非人情即今正狼顧功名何  
用多莫作分外慮萬里早歸來九折慎馳騫嫁女不離

家生男已當戶曲逆老不侯知人公豈悞

送內

鹿虞顧其子燕雀各自隨與子為夫婦五年三別離兒女豈不懷母老妹已笄父子各從母可喜亦可悲關河萬里道子去何當歸三歲不可道白首以為期百畝未為多數口可無饑吞聲不敢盡欲怨當歸誰

別三子

夫婦死同穴父子貧賤離天下寧有此昔聞今見之母

前三子後熟視不得追嗟乎胡不仁使我至於斯有女  
初束髮已知生離悲枕我不肯起畏我從此辭大兒學  
語言拜揖未勝衣與爺我欲去此語那可思小兒襁褓  
間抱負有母慈汝哭猶在耳我懷人得知

城南寓居二首

游子莫何歸韋杜城南村秋水深可測挽衣踏行雲道  
暗失歸處棲鳥故不喧牛羊閑離落稚子猶在門

潭潭光明殿稽首西方仙平生修何行步有黃金蓮我

豈昔好徑報以履下穿洗足坐道塲卒卒此何緣

憶少子

端也早豐下歲晚未可量我老不自食安得如我長呱  
呱棄不子退省未始忘吾母亦念我與爾寧相望

寄外舅郭大夫

丈人魯諸生明刑如臯陶幸寬右顧憂未惜一身遙西  
南萬里行可以絕繩橋慎勿冠惠文神母仁如堯

答張文潛

我貧無一錐所向皆四壁瀛洲足風露胡不減饑色昔聞杜氏子剪髮事尊客君婦定應賢三梳奉巾櫛

示三子

去遠即相忘歸近不可忍兒女已在眼眉目略不省極喜不得語淚盡方一哂了知不是夢忽忽心未穩

送蘇公知杭州

平生羊荊州追送不作遠豈不畏簡書放塵誠不忍一代不數人百年能幾見譬如馬口銜今為禁門鍵一雨

五日涼中宵大江滿風帆目力短江空歲年晚

田家

雞鳴人當行犬鳴人當歸秋來公事急出處不得時昨夜三尺雨竈下已生泥人言田家樂爾苦人得知

幼嶺

外家英俊場季氏不好美用意丘壑間頗以石自奉誰言拳握間意作萬牛重岱宗小天下不辨一席用

觀究文忠公家六一堂圖書

生世何用早我已後此翁頗識門下士畧已聞其風中  
年見二子已復歲一終呼我過其廬所得非所蒙先朝  
羣玉殿冠珮環羣公神文煥王度喜色見天容御榻誰  
復登帝書元自工黃絹兩大字一覽涕無從似欲託其  
子天意人與同厯數況有歸敢有貪天功集古一千卷  
明明並羣雄誰為第一手未有百世公廟器刻科斗寶  
樽蟠華蟲綯懷弁服士酬獻鳴璇瑤插架一萬軸遺子  
以固窮素琴久絕絃暴酒頗闕供向來一瓣香敬為曾

南豐世雖嫡孫行名在惠子中斯人日已遠千歲幸一  
逢吾老不可待露草溼寒葦

次韵蘇公西湖觀月聽琴并涉穎二首

清湖納明月遠覽無留雲人生亦何湏有酒與桐君自  
醉寧問客一盃復一樽平生今不飲意得同酣醺清言  
冰玉質瓊衲山水紋殫精有後悟畜耳無前聞潛魚避  
流光歸鳥投重昏信有千丈清不如二尺渾  
衝風不成寒脫木還自竒坐看白日晚起行清穎涓三

穴未為得一舟不作癡路暗鳥遺音江清魚美姿宇定  
惟物變意行覺舟遲公與兩公子妙語含風漪但怪笑  
談劇莫知賓主誰得句未肯吐鬱鬱見睫眉相從能樂  
何行樂當及茲生忍自作難百憂間一嬉時尋赤眼老  
不探黃口兒解公頭上巾一洗七年緇至潔而納汚此  
水真吾師湏公曉二子人自窮非詩

再次韵蘇公示兩歐陽

公詩周魯後曳曳垂天雲府中顧長康風味如麌君非

公無此客請壽南山樽叔季大儒後偏醒亦同醺心與  
柏石堅章成綺繡紋多難獨不補少憇今無聞時無古  
今異智有功名昏可使百尺底不作數斗渾

次韵蘇公勸酒與詩

五士三不同煩公以詩訴強酒古所辭妙語神其吐自  
念每累人舉扇無我汚復使兩歐陽縮手不分付平生  
西方社弩力湏自度不憂龜九頭肯為語一誤頓悟而  
漸修從此辭世故公看萬金產寧能一朝具兩生文章

家風紀鳴蟬賦請公堅城壘兵來後無數

次韻蘇公題歐陽叔弼息齋

行者歸故里居者愛吾廬生湏着錐地何賴汗牛書大  
室八尺牀稱子閉門居百為會有還一足不願餘紛紛  
幼老間失得了玄虛客在醉則眠聽我莫問渠論勝已  
絕倒句妙方愁予竹几無留塵霜畦有餘蔬相從十五  
年不為食有魚時湏一俯仰君可貸謹

寄參寥

平生西方願擺落區中緣惟於世外人相從可忘年道  
人贊公徒相識幾生前早作步兵語晚參雲門禪杖策  
孤山下一室頗蕭然林昏出幽磬竹杪橫疎煙昨日寄  
書至坐想參寥泉此泉如此公遇物作清妍一別今幾  
時綠首成白顛子亦憐我老我豈要子憐會逢萬里風  
一繫五湖船酌我巖下水咽予山中篇

寄答王直方

人情較往復屢勉終不近新詩已經年知予不我怨生

世餘幾何尺墓日取寸懷祿有遐心從俗無遠韵時從  
暗中歸數過林下飯平生功名意回作香火願三年不  
舉觴吻頻煙火熾豈無兩蒼龍霑我一雨潤官麤詩未  
工猛乞無小斲人生如此耳文字已其閨是身雖臭腐  
寧作青紫檀永懷忘年友死矣餘令聞念子頗似之老  
我何所恨

規禪停雲齋

淨居衆天人宮殿隨所適少仕老不歸重門閉榛棘道

人秀叢林妙語出禪寂是身如浮雲隨處同建立平生  
與二子嗜好同一律我此復助緣語綺已多責何年一  
把茅據坐孤岑律呵佛罵祖師塗糊千五百

次韵答晁無數

女生願有家名妾以不聘田叟亦慕君又惡不由正欲  
行不問途已破寧顧甌耕蠶無一廬庖井要三徑還家  
憂患餘挽鬢兒女競十年寧有此一寒可無命平生晁  
夫子得士公室慶稍無車馬音復作賓客請論文到韓

李念舊說蘇鄭長年斷消息獨語誰和應此生恩未報  
他日目不瞑歸卧無好懷扣門有佳聽詩來霜雪後更  
覺天宇淨少好老未工持刃授子柄

次韻晁無斁夏雨

咫尺隔山海作書問如何蟻垤既蓄糧蛙窟如鳴鼉積  
暑復一雨斧斫仍手摩鉤窓欲懸麻出門已橫河人言  
月離畢未必致滂沱東臯繁草木蘭艾不同科驚魚畏  
密罟獨鳥鳴南柯稍無蟲飛喧復覺蟬語多因聲作好

惡與物殊未和臥聞夜來雨歸種故山禾百年湏下澤  
萬里付長羅先生斷百行尚以詩作魔縮子萬言手聽  
渠七字哦室爾人則遠燕默勞者歌思君得老瘦觸熱  
生積疴

寒夜有懷是無數

同好共城郭十日不一顧人事雖好乖吾生亦多忤閨  
門對妻子歲月不可度閉目寧用遮停杯仍下飴獨無  
區中緣永懷巖下趣平生三徑資安得一朝具萬里初

歷塊前驅告曛暮歸懷屬有思棄世不待怒老境厭逶  
遲人情費將護向來張長公吾亦從茲去燈花頻作喜月  
色正可步預恐何水曹明朝有新句

還里

曠士愛吾廬遊子悲故鄉慷慨四方志老衰但悲傷虛  
名自成誤失得略相當莫年還家樂未覺道路長間里  
喜我來車馬塞康莊爭前借言色草木亦晶光向來千  
人聚一老獨倘佯手開南陽阡松柏鬱蒼蒼永願守一

丘脫身萬里航平生功名念倒海浣我腸欸段引下澤  
斷弦更空觴尚從北山南有文移路傍

魏衍見過

暑雨不作涼爽風祇自高我老亦衰疾奈此正鬱陶魏  
侯有新語高處近風騷隱几聆五字未覺歷日勞灑然  
墮冰井起粟豎寒毛三山已在目萬象誰能逃歷險見  
絕足過口味豚膏願為夏雷鳴莫作飢鳶號

晚望

黑雲映黃槐更着白鳥度蟬鳴不餘力蛙腹能許怒稱  
目有佳思側徑無好步興來成獨往意得誰與賦

和黃預感秋

宿雲護朝霜秋陽佐殘暑蠅癱驅復來汗下拭莫禦庭  
梧自黃隕風過成夜語幸是可憐生胡然遽如許黃生  
多新詩如盆一作盈抽緒唱高難欵乃雋永得咬咀意

合無古今投暗存迎拒名成弟子韓價重先生楮向來  
得斯人孰謂予齟齬晚炊鄰僧米盡拾租公茅甘酸皆

適口霜黃一作 盡

未登組門有曲逆車謗甚北山女寧為

溝中斷不作太倉鼠老退無好懷續明然兩炬搔首不成眠寒蟲促機杼

和魏衍元夜同登黃樓

車馬競清夜人物秀三楚登臨得免俗茲樓豈時覩同來兩稚子冠者亦四五落落俱可人頗亦厭歌鼓山月出未高潛鱗動寒渚檣燈接稀星奪目粲不數魏侯轉物手百好趨就叙得句未肯吐秀氣出眉宇水淨納行

影山空答脩語夜氣稍侵肌鳥駭去其侶清游豈有極  
喜事戒多取投靜未免喧於今豈非古永懷寂寞人南  
北忘在所橫嶺限魚鳥作書欲誰與情生文自哀意動  
足復佇憑檻一作檻共一默望舒已寢午

和魏衍三日

林花女頰紅春水瓜頭綠步蹇我三休來同君一足苦  
嗟所歷小不盡千里目暮景向昏鴉歸塗取脩竹

和黃充寶春盡遊南山

逐勝缺勇功餞春無少色出門欲何向坂丸隨所擊百  
年餘幾何十步復一息同來二三子楚楚頗脩飭行前  
強老夫徑捷疲峻陟山門開煙霏禪房閉岑寂口燥沾  
茗枕久厄此為德逐日下西山草路荒不識回溪轉鈎  
曲門徑入繩直故人喜領客內愧積腸臆所來為親舊  
掃除稱寥閑疾風無永勢過雨有餘瀘高花初欲然平  
荷已如拭因君感衰感醜好移頃刻交新厭區區話舊  
聽歷歷談間一二四座已傾側茅屋漏一作濕風霜山

田帶沙礫尚能哀此老舉手觸四塞君如澗底松超拔  
出天辭學詩有新功黃魏共推激生與魏行

陳留市隱者

黃顏游

陳留人物後疑有隱屠耕斯人豈其徒滿腹一杯羹婷  
婷小家子與翁同醉醒薄暮行且歌問之諱姓名予豈  
達者歟槁竹聊一鳴老生何所因稍稍聲過情閑門十  
日雨吟作飢鳶聲詩書工發冢刀箭得養生飛走不同  
穴孔突不暇黔一作聖有不暖  
席接浙去齊行

送魏衍移沛

積雨斷行路重江未安流胡為冒艱險迫此帛米謀歲  
晏風作橫未寬為子憂卒然託異縣所得如所求主人  
如古人待士禮亦優人情樂新知豈不懷舊丘我貧無  
四壁愛爾胡能留子也尚不容吾代諸公羞勿云百里  
遠已作千山愁念子捨我去誰復從我遊諸石吾未識  
因子卜可不能此已可尚一作喜終焉致綢繆

送法寶禪師

平生趺鐵腳道價喧宇宙望禮東南雲吾今獨何後晚  
始識其子瑤林一枝秀初聞飲光笑復作空生瘦今年  
退後禪袖手不肯又真成菩薩魔未免化城咎白月懸  
清光大鐘得辭扣知止一何勇隨緣豈無復豐臺兩禪  
子三請期一覩翩然挈瓶盂百里往相就古寺風雨餘  
觸目初邂逅夙昔有淨緣歡然宛如舊教我早自異業  
成誰得救世故已備嘗躊躇復何候鑽火勿停手時來  
自渠透懸慙禮白足吾為泰山溜

贈趙奉議

為惠不必廣但問與者誰受施何用多名義以為資平  
生師友間四海參寥師一窮無四壁百代有千詩再逐  
越淮江三年魯中歸初無贊公色不異淨名衣才如得  
風鵠已復觸藩羝路貧誰肯憐語妙君所知我往立談  
間歎若白受縉乃知仁者聽不待辛苦詞趙侯名教士  
勁氣噴長霓論吐天下公而合吾所私明窓弄文墨妍  
語含英姿要與識者論且避羣兒癡舊好無新功終年

此交綏未湏堅百戰當即建降旗

和鄭戶部寶集大室二首

遠遊遊則遠安心心已安茅茨更何事一坐五年寬客來問法要示以無所還勿云空生默聽者不勝言

貴有空王章貧無置錐地衝風窓自語涴壁蟲成字向隅有知音閨門接強對只道庭前柏西來本無意

寄黃充

俗子推不去可人費招呼世事每如此我生亦何娛黃

生後來秀純茂靜者徒不見動經月來亦不湏更人事  
已好乖可復自作疎子雖向人嬾勝處不可孤迨此田  
事休仍當秋一作寒雨餘深知阻泥寧步屐意何如

咸平讀書堂

昔人三百篇善世已有餘後生守章句不足供囁嚅一  
登吏部選筆硯隨掃除閉閣畫眉嫵隔屋聞歌呼奉公  
用漢律寧復要詩書俛首出跨下枉此七尺軀今代陶  
朱公不作大梁屠計然特未用意得輕全吳為邦得畿

縣政空自計疎寧書下下考不奉急急符用意薄領外  
築室課典謨平生五千卷還舍不間塗近事更漢唐稍  
以詩自娛復作無事飲醉卧擁青奴桃李春事繁軒窓  
晝景舒鳴屋鳩渴雨窺簾燕哺雛休吏散篇帙風篁獻  
笙竽欣然一啟齒斯民免為魚

和寇十一同登寺山

度暑無好懷憑危略幽致衣冠蔚如林從我才一二茲  
山昔深登歲月誰得記尚有名勝流不與金石悴孰知

千載後我與子復至煙昏倏見燈洪發疑一作恐無地領

略章句手割據英雄志興壞容一瞬今昔當樂喟圍山  
缺西北放目不可制歸懷納清境夜榻成良寐零落壁  
間詩豈特彼所媿會逢南過適不問西來意

謝孫奉職惠胡德墨

奚李風流盡法傳外諸孫常山陳瞻予懷挹自高掀孰  
云勝潘翁惟眉山公言四海未盡識一變歸九原胡郎  
少年子外家典刑存一點落鬚漆重價壓璵璠孫侯磊

落人情義久益惇解囊贈玄圭孰知師白猿我資不解書下筆輒自喧良寶不受辱隱默面稱寬

與魏行冠國寶田從先二姪分韵得坐字

將老蒙誤恩受弔不受賀欲起尚遲回積間習成惰向來二三子相與守寒餓一日不可無三歲安得過是時秋益高夜永月初墮漏鼓已再更坐者餘幾箇酒薄多可強談勝堅莫破簷昏讀字細林缺瞻星大吳吟未至慢楚語不假些懷遠已屢歎論昔先急唾身世喜相違

真成蟬旋磨平生陳孟公歲晚不驚坐

禮武臺坐化僧

時呂希哲作單州守臺屬單州

至人本無心起滅因衆緣化盡悲願在留形此臺巔聞名與致敬獲福皆無前千年一鉢水宿疾幾人瘞駛雄兗州軍馬步餘數千一呼可推山四合如垂天老幼十八村頃刻理無全哀鳴寄香火毀塔投其塼或怒忽驚奔如有所見然等觀同一子豈特此所憐我來已再見童稚亦虔虔發火觸暗室青燈已娟妍始讀壁間碑妙

力隱不傳頗恨語未工安得筆如椽歸路雲月黑濤波  
隔長川溪翁停舟待相喚聲相連解纜風泊㟁中流水  
入船欹側脚不停竟脫蛟魚涎興壞如有待適當使君  
賢定能選妙士拂塵起重煙旨承靈山囑早契少林禪  
丐我一片石併刻維摩篇

和謝公定觀祕閣文與可枯木

斯人不復有累世或可期每於丹青裏一見如平時壞  
障塵得入慘淡令人悲墨色落欲盡嚴顏終不移朽老

莫使年石心烏銅皮念此猶少作未盡冰霰婆北枝把  
異鵠意定了不疑惜哉不得語旬次幾興衰一為要貴  
役可復愧

一作辭

畫師隱奧雖可惜塗抹復見遺謝侯名

家子感慨形苦詞豈惟語畫工勁特頗似之何當補諫  
列一吐胷中竒

後山集卷一

欽定四庫全書叢要卷一萬五千三百五十九集部

後山集卷二

宋 陳師道 撰

詩 五言古

和鮮于大受崇仙觀餞別曾元忠

此別未為遠兩都東西州情親有乖隔江湖成阻脩脫  
塵度翠密徐行當尋幽各有惜別懷共此一日留意合  
豈待約酒盡不更求闕詞固未可忍手亦何猶是日題辭坐

有黃冠師未解逍遙遊興來我與共醉罷君當休僧房

火可親此樂行且謀萬事日糾紛高懷元一丘

和蘇公洞庭春色

洞庭千木奴寸絲不挂手來輸步兵厨釀作青田酒王  
家玉東西未覺歲華走方從羅浮山

羅浮山有仙人種橘處

已作

南陽壽還將甕頭春慰予雪入牖我方縛禪律一舉頗  
屢喚東坡酒中仙醉墨粲星斗詩成以屬我千金湏  
尋何曾尊俎間着客面黧黝定湏笑美人

趙有璧者平原君美人笑

之蕉甲不濡口

山口阻風

夕風朝未回來雲去為雨繫舟直山口天意遽如許濤  
風兩方鬪丘原莫當怒兩山為俯仰一鳥不得度臨深  
負高枕偷生寧得所歷歷數過帆當途氣如虎快意亦  
適然淹泊豈吾取遡洄更去留未易相爾汝行登東山  
顛狂觀前來覩九澤不滿眼五大方一縷茲山昔誰遊  
巨野傳自古菰魚無凶年未利猶不禦荷隩活萬人梨

坪視千戶東方富絲麻小市藏百賈連檣自南北行談  
雜秦楚向晚風力微湖清魚可數空倉烏鳥樂外舍  
扉語身非天下惜家無十金聚欲留盜賊迫欲去渡濤  
怒兩者爾何從一死吾未與

登冥山

東山如覆盂石塔仍數層昔人行樂處時過名不稱秋  
風變草木樵徑餘薪蒸四顧一水間不復知淄澑菰蒲  
萬世利煙火千人畧平住登山腳歲晚如不勝求田君

勿問撫髀吾何能飛鴻將目遠秋水留心澄茲遊豈不  
朽作歌記吾曾

次韵答少章

秦郎淮海士才大難為弟蔚然霜雪後不受江漢洗春  
畦不滿眼采掇到芹薺多病促餘年秋光欲辭抵儒林  
丈人行掘起三界底出入銀臺門為米不為醴白頭容  
北面斯文分一體媿我無異聞口闕不得啓

送路紇歸老丹陽

身退不待年意足不待餘寧聞有餘論但問我何如才  
名四十年盛氣蓋諸儒獨無金水力竟與鼃龜俱晚為  
府中掾直前不趨趨曾何媿俯仰頗亦困囁嚅有粟尚  
可餬有酒尚可娛一朝脫羣綬用意不躊躇富貴亦何  
有惜君寧挽裾人生一世間僅得還其軀謝公江海人  
此計竟亦疎千金一大錢兩子雙明珠妙語發幽光東  
坡為歛歛不知兩疏去能亦有此無聊為三徑資從子

並門居

謝傅監

好士如好色昔聞今則無平生席為門未識長者車曠  
士慕林谷羈人辱泥塗願為執鞭役莫順下風趨去年  
辱公先懷刺留寓居我往拜其門鸞鷺鳴高梧論交不  
計年取材忘其愚一寒我如此百鎰公無餘今年賀公  
歸乃復過我廬當使有近行膺門有長湏小家不耐事  
雞飛犬升間莫歸自有恨親顏一何娛汝家吾無憂能  
致賢大夫吳公漢庭右賈生世用疎平分太倉粟盡讀

鄴侯書士為知已留不為食有魚三言移曾母投杼公  
何如

次韵答秦少章

學詩如學仙時至骨自換縹渺鴻鵠上衆目焉能玩子  
從淮海來一喙當百難師儒有韓孟拭目互驚惋老生  
時在旁縮手媿顏汗黃公金華伯莞爾回一眄彼方試  
予難疾前不應懦要當攻石堅勿作搏沙散珪璧雖具  
美瓏錯加璀璨我老不足畏後生何可慢

次韵答子實少章二首

英英黃金花論時不論美靖節骨已朽棄捐乃其理兩  
公意有餘采采今未已尚念白頭生臨風喚霜蕊  
交新情已故室遠人則邇杯酒不相忘一朝得二子初  
花美無度後時終可鄙與汝臥秋風看君雙控鯉

寄晁以道

兩官俱為鄰常若千里遠經年不通書子孰知我懶相  
期宇宙外肯復校繁簡我愚亦知此子意豈不滿子教

東方生自視何益損人言不當價一錢萬金產湏子五千卷丹筆校黃本子家太史氏名成南北阮道山鴻鴈行豈惟私門衍功名湏老大四十未為晚快意會有違急行寧小緩忽有河山阻遂恐消息斷我獨不念此人窮令智短子勿放我慵書來慰愁眼

寄邢和叔

昔作梁宋遊幽憂廢朝昏閉門無往還不應兒女喧隔牆聞剥啄莫夜誰叩門知是邢夫子低回過高軒願為

布衣交不顧年德尊息息立談罷又見東南奔江湖多  
病後僅免餉魚龜久廢數行書因人問寒暄但愛孤山  
西松筠數家村便欲築居室插秧仍灌園生前不自愛  
身後何足論草玄笑揚雄贊易悲虞翻文章徒自苦紙  
筆莫更存却尋南郭老隱几學忘言他日宦遊客誤入  
桃花源葦間見漁父誰識王侯孫

贈開彥長

少年初識字已誦子虛賦嘗疑天上人已離人間去蹉

跋二十年久自歎遲暮倦遊梁宋間却踏江湖路此地  
始逢君秋陽破朝霧白首鬢毛新青衫顏色故問君胡  
為然竟坐文字誤人事久難知高才常不遇論人較賢  
智富貴寧在數不見竹林詩山王俱不與湖塘發高興  
山林有佳處迨此間暇時觀游莫辭屢功名如附贅得  
失何用顧但當勤秉燭長願隨杖屨

平翠閣

我家山水間耳目厭華麗聞道浙西山經年通夢寐從

為遠遊客忘却歸來計欲置湖上田謝絕人間世湖山  
多變態橫斜光氣異隨山轉朱閣臨顧窮幽邃惟存宣  
公樓浮空堆亂翠疑是水仙人臨牆露高髻道人亦愛  
山朝昏閱終歲最愛煙雨中半撩青羅袂我來悲歲晚  
風霜掃昏翳不見嶺頭雲未盡登臨意

次韵應物有歎黃樓

一代蘇長公四海名未已投荒忘歲月積毀高城壘斯  
樓亦何與與人壓復起紛紛徒爾為長劔湏天倚循分

即可久吾行誰與止邇來賢達人五十笑百里賴有寇  
公子衆毀聞獨美直氣憚狂童牽聯皆可紀少公作長  
句班楊安得擬頗有喜事人睥睨欲槌毀一朝陵谷變  
天語含深旨驚倒樓前人今朝有行履

秋懷十首

以雨荒深院菊霜  
倒半池蓮為韻

昨日山中雲今朝山下雨牛羊沒禾黍蟋蟀促機杼磨  
刀洗盆瓮社臘不勝數豈無聚斂吏觸手丞相怒  
有家洙泗間歲晏榛棘荒稍知田家樂感此歸意忙老

馬甘伏櫪遊魂還故鄉四十尚無君天下未敢忘

採薪墟墓間行歌當歸耕向來輕薄子懷謾以為榮端  
喘轅下犢力盡官泥深壯哉八百里一割探其心

翩翩王侯孫館我翠微院粥飯隨鐘魚朝昏黃庭卷中  
年妻子累往世西方願獨無詩書力尼父安得怨

黃公輕千乘尚愛五斗祿風雨聽朝雞歲月老松菊平

生白蓮社不受一塵觸識字即投閣貴者須食肉

昔作九日期一覽知四方夜雨秋水深裂風畏寒裳尊

空囊亦空花且為我黃官奴覆青綾破屋任飛霜

翼翼陳州門萬里遷人道雨淚落成血着木木立槁今年蘇禮部馬迹猶未掃昔人死別處一笑欲絕倒

箇箇孤竹君長我一身半凜然霜雪間時至亦陰換共與王子猷永結忘言伴可使溪壑姿充我眼中玩

北闕書不上南山田不歸朝暮陳州門悠悠此何為我老何所為暖日聊差池君聽城山烏啞啞端為誰

潭潭光明殿稽首西方仙平生修何行步有黃金蓮我

豈昔好徑報以履下穿洗足坐道塲卒卒此何緣

次韵蘇公西湖觀月聽琴

公詩端王道亭亭如紫雲落世不敢學謂是詩中君獨  
有黃太史抱杓挹其尊韵出百家上誦之心已醺黃鍾  
絃少合大裘擯不文世事如病耳燈鬪作牛聞苦懷太  
史惠養豹煙雨昏後世無高學舉俗愛許渾

春酬應物

論世闕真是憎好成愚賢衆手挽跛牂擬度驛駘前與

子早相好於今不知年自從欲着帽憂喜同華顛生世  
如風花高下亦偶然填溝偶不死揮刃忽自全病馬試  
春草枯魚縱奔川稍思升斗祿筦庫未闕員一饑尚可  
忍百歲當復延相余乘下澤得句要子宣此生期樂死  
他日湏詩傳縮手着袖間彈棊一爭先

次韵德麟督叔弼季默詩及破余酒戒

歲月不相貸夜牀衾簟秋朝來明鏡中作意多少留惟  
酒可為娛顧我非其流大夫意氣合珮玦不循鈎意行

無人非駿發不中休相逢問何如頗復中之不清坐豈  
不好致真豈糟丘兩歐以詩鳴與俗同沉浮百鳥畏嘲  
弄往和長鳴鷗相寧忍快便風飄萬斛舟

次韵蘇公獨酌

雲月酒下明風露衣上落是中有何好草草成獨酌使  
君顧謂客老子興不薄飲以全吾真醉則忘所樂未解  
飲中趣中之如狂藥起舞屢跳踉罵坐失酬酢終然厭  
多事超然趨淡薄功名無前期山林有成約身將歲華

晚意與天宇廓醒醉各有適短長聽鳬鶴

次韵蘇公獨酌試藥玉滑盞

仙人棄餘糧玉色已可欺小試換骨方價重十冰甕灌  
以長白虹渺若江海瀰浮之端不惡舉者亦何辭但媿  
聞道晚早從鴈門師律部無明文可復時中之汝陽佳  
少年三斗出六奇家有持杯手兩好當一施風吹酒面  
灰月度杯心遲百年容有命一笑更湏時

次韵德麟植檜

種木待成材聊為十年事日中趨百里寧問萬牛費植  
檜三尺強已有凌雲氣生世能幾何擬作千歲計衆人  
笑拍手君子用其意蕭蕭孤竹君忘言理相契名以金  
石交椿楊豈奴婢緬懷萬仞顛千丈蔚蒼翠蟠根泉石  
底用意霜雪外寧湏大厦才坐待斧斤至散為風雨聲  
密作牛馬蔽

送叔弼寄秦張

廬陵四公子吾及識其半叔也英達人平易亦稍悍於

時吾始壯敗壁不塗墁孤身客東都轉食諸公館時來  
扣君門百遍不留難傾心倒囊笈燕語徹昏旦磬折挽  
為親少得而多患相遇汝穎上歲月不勝歎君才得公  
餘十日而十歲舌端懸日月筆下來江漢此行不尋常  
談者方一貫逸足寧小試寶刀當立斷用意不崎嶇欲  
得志挾彈目今平生親稍作春冰泮因聲督張秦書來  
不應緩

次韵德麟吳越山水

吳山那可說已覺心耳靜忍事如忍欲可遏不可騁人  
生如此耳黃白滿朝鏡寧懷斗升粟不理東南艇君從  
湖上歸頗說寒事竟沙草柔動色溪喧魚不定煩君冰  
玉句無作江湖興君詩如靜女妙絕人所敬不更風雨  
秋下有桃李徑試寫孤竹君名成三絕鄭

龍潭

清淵下無際落日回風瀾凜然毛髮直敢以笑語干陂  
陀百尺臺蕙翠萬木蟠驚飈振積葉清霜作朝寒水旱

或有差精禱神其難魚龍同一波信有水府寬向來三  
日雨賴子一據章何以報嘉惠寒瓜薦金盤萬口待一  
飽歸卧神其安猶湏雪三尺盛意莫得闌

贈魯直

相逢不用早論交宜晚歲平生易諸公欺人真可畏見  
之三伏中凜凜有寒意名下今有人胷中本無事神物  
護詩書星斗見光氣惜無千人力負此萬乘器生前一  
尊酒撥棄獨何易我亦奉齋戒妻子以為累君如雙井

茶衆口願其嘗顧我如麥飯猶足填飢腸陳詩傳筆意  
願立弟子行何以報嘉惠江湖永相望

次韵蘇公竹間亭小酌

自昔一作至音有遺韵小飲不盡觴坐待竹間月奈此雲影

長起行林下路散策踰平岡破眼一枝春着意千葉黃

暄寒會有分蜂蝶來無央鳥語帶餘寒竹風回妙香纏

想兩公子此有缺文三字朝陽斯人班馬後如圭復如璋相逢

子無得佳處每難忘

送李奉議亳州判官四首

謝公中年後畏與親友別數日懷抱惡每笑冠纓絕生  
有四方事死當一語決前笑今則悲吾衰擬何說着鞭  
何必先倒筆不容掣鞭爾轍下駒萬里一改轍

祁氏號外府藏室多異書因公有餘力一覽意何如為  
學雖日益受益不受誣正須高着眼濛梁有遊魚

吾友孫子實愛學吾所畏持身如處子得句有餘味交  
驩艱難際凜然見名誼吾病臥里中車馬日一至遣醫

饋梁肉憂喜見顏際慙慤勸加冷代我破戒罪一別已  
三秋君室乃其季輪囷見眼中不作千里外因聲問何  
如胡不枉一字

吾友張文潛君行乃其里當年釣遊處壯者或可指聞  
風起遐想意作千古士不知塵土中奴推婢不齒胷中  
無一塵筆下有百紙勿問見自知未語君已喜與遊今  
已後行已勿停軌

大風 梁山泊

積陰風易作隆寒一作聲益急百為定有數一動必三

風

日犇隕水勢壯搘扶波頭立前行後浪一作促突起旁

者

交射崩騰萬騎來倏忽一箭撃摧殘蒲葦盡簸蕩魚龍

泣私憂地軸脫已分梁山沒向來萬斛重不作一葉直

舟行雨水間觸突聲悉率路轉帆舉落舟排水壘積經


事長一智中人所知識千金不垂堂豈復待一失窮途

得偉觀老氣猶少色一作色事定不敢一作未得忘嗟來庶一

安可及



後山集卷二



總校官庶吉士臣侍朝  
校對官編修臣閔惇大  
謄錄監生臣吳魯田

欽定四庫全書叢書要

集部

後山集卷三

四

詳校官助教臣謝登雋



欽定四庫全書叢要卷一萬五千三百六十

集部

後山集卷三

宋 陳師道 撰

七言古

贈二蘇公

岷峨之山中巴江桂椒冉櫨楓柞樟青金黃玉丹砂良  
獸皮鳥羽不足當異人間出駛四方嚴王陳李司馬揚  
一翁二季對相望奇寶橫道驥服箱誰其識者有歐陽

大科異等固其常小却盛之白玉堂典謨雅頌用所長  
度越周漢登虞唐千載之下有素王平陳鄭毛視荒荒  
後生不作諸老亡文體變化未可量萬口一律如吃羌  
妖狐幻人大陸梁虎豹却走逢牛羊上帝惠顧祓不祥  
天門夜下龍虎章前驅吳回後炎皇絳旛丹轂朱冠裳  
從以甲胄萬鬼行乘風縱燎無留藏天高地下日月光  
授公以柄扶病傷士如稻苗待公秧臨流不度公為航  
如大醫王治膏肓外證已解中尚強探囊一試黃昏湯

一洗千年新學腸老生塞口不敢嘗向來狂殺今尚狂  
請公別試囊中方

嗚呼行

去年米賤家賜粟百萬官倉不餘掬青錢隨賜費追呼  
昔日剜瘡今補肉今年夏旱秋水生江淮輸粟千里行  
不應遠水救近渴空倉四壁雀不鳴似聞為政不為費  
兩不相侵兩相濟十年斂積用一朝驚濤破山風動地

送杜侍御純陝西轉運

餽糧千里古無策木牛流馬功不極邊頭數米換黃金  
將軍汗馬未伏櫪黠羌人面作胡語鳥鼠貪生爾如許  
熊虎可避蟲可驅覆巢熏穴意何如漢虜相當庸可盡  
聊城正用一封書巧手莫為無麪餅誰能留渴湏遠井  
國家有急君得辭徐人不勞扣闕請隴上壯士莫捫舌  
河西狂王防繫頸向來此地幾送迎草間翁仲口不瘡  
十年兩熟飽可待一歲四守人何心老稚持車車不留  
歸人不行行轉頭關中正湏蕭丞相省內早要富民侯

出清口

家世山東飽耕稼晚託一舟順流下漁溝寒餌不下筋  
推柂轉頭更五夜平明放溜出清口霜落潮回霧連野  
平淮一夢三十里有日無風神所借似憐夏患滿人間  
百孔千瘡留一罅文章末技將自效語不驚人神可嚇  
子女玉帛君所餘寄聲白鳥煩多謝

猴馬有序

楚州紫極宮有畫沐猴振索以戲馬頓索以驚圉人

不測從後鞭之人言沐猴宜馬而今為累作詩以導

馬意

韓鄂四時纂要曰常繫獮猴於馬坊內辟惡省百病令馬不著瘡

沐猴自戲馬自驚圉人未解猴馬情猴其天資馬何罪  
意欲防患猶傷生異類相宜亦相失同類相傷非所及  
志行萬里因一誤吐豆蔻甘伏櫪

送黃生兼寄二謝二首

南第諸兄蚤相見別時託予以無倦百年論交見子心  
一朝取別寧吾願妙歲遠遊真所難肯為得官近長安

聖作詩書端有意猶須用之科舉外

城西兩謝俱能文穰丞精悍吾所聞每讀吾詩得人意  
使不能文已可入我昔謝公門下士早年妄作功名意  
如今老寄穎河東九泉雖深媿此公

次韵蘇公西湖徒魚三首

窮秋積雨不破塊霜落西湖露沙背大魚泥蟠小魚樂  
高丘覆杯水如帶魚窮不作搖尾憐公寧忍口不忍鱠  
修鱗失水玉參差晚日搖光金破碎咫尺波濤有生死

安知平陸無灘瀨此身寧供刀几用着意更湏風雨外  
是間相忘不為小濠上之意誰得會枯魚雖泣悔可及  
莫待西江與東海

赤手取魚如拾塊布網鳴舷攻腹背豈知激濁與清流  
恐懼駢頭牽翠帶居士仁心到魚鳥會有微生化餘鱠  
寧容網目漏吞舟誰能烹鮮作奇碎我亦江湖釣竿手  
悞逐輕車從下瀨生當得意落鷗邊何用封侯墮鷺外  
不如此魚今得所置身暗與神明會徑湏作記戒鯨鮀

防有任公釣東海

詩成落筆驥厯塊不用安西題紙背小家厚斂四壁立  
拆東補西裳作帶堂下駁觫牛何罪太山之陽人作鱠  
同生異趣有如此瓶懸裳間終一碎流水長者今公是  
雨花散亂投金瀨人言充庖湏此輩慈觀更湏容度外  
賜牆及肩人得視公才槃槃一都會有憐其窮與不朽

我亦牽聯書玉海

寄晁載之兄弟

人言婚宦情欲本吾始求脱君已半孰知一世如一夢  
在夢而覺寧待旦寒簷淨雨作秋聲冷屋風燈挑不明  
樽前已作十年語後會未期吾屢驚一聞七字心已識  
鈎章棘句天與力念子方壯我已衰不見參天二千尺  
季也亦有詩百篇叔子擬度驛馬前端能過我三冬學  
可復參儂一味禪

別圓澄禪師

法施老人卧不出呼我取別行問疾磨盤拭筋勸一飽

少待須臾莫倉卒年着眼觀文字萬卷初無一言契  
多生綺語未經懺半世虛名足為累此去他來尚有緣  
頭童齒豁恐無年慙慙三請久住世弊惡可念未可捐  
平生准擬西行計老著人間此何意他年佛會見頭陀  
知是當年老居士

舟中二首

惡風橫江江卷浪黃流湍猛風用壯疾如萬騎千里來  
氣壓三江五湖上岸上空荒火夜明舟中起坐待殘更

少年行路今頭白不盡還家去國情

野火燒原雉昏雉黃塵漲天牛亂鬪江間無日不風波  
老去何時脫奔走詩書滿腹不及口遮日寧須釣竿手  
愧爾茅簷炙背人仰目青天搔白首

古墨行

有序

晁無斁有李墨半丸云裕陵故物也往於秦少游家  
見李墨不為文理質如金石亦裕陵所賜王平甫所  
藏者潘谷見之再拜云真廷珪所作也世惟王四學

士有之與此為二矣嗟乎世不乏識者耳敬為

長句率無數同作

秦郎百好俱第一烏一作丸如漆姿如石巧作松身與

墨

鏡面借美於外非良質潘翁拜跪摩老眼一生再見三

歎息了知至鑒無遁形王家舊物秦家得君今所有亦

其亞伯仲小低猶子姪黃金白璧孰不有古錦句囊那

可敵睿思殿裏春夜半燈火闌殘歌舞散自書細字答

邊臣萬里風塵入長筭初聞橋山送弓劍寧知玉盃人

間見夜光炎炎衝斗牛會有太史占星變人生尤物不

必有時一過目驚老醜念子何忍遽磨研少待湏臾圖

不朽

魏行注曰少游之墨嘗許先生為他日墓誌潤筆先生嘗語行作此詩時少游尚無恙然終先逝去

明窓淨几風日暖有愁萬斛才八斗徑湏脫帽管城公

小試玉堂揮翰手

蠅虎

物微趣下世不數隨力捕生得稱虎匿形注目搖兩股  
卒然一擊勢莫禦十中失一八九取吻間流血腹如鼓

却行奮臂吾甚武明日淮南作端午

寄鄧州杜侍郎紘

南陽老幼如雲屯連日城東候使君後者排前旁捷出  
爭先見面作懸懸六年重來已白髮一日再見回青春  
道傍過者恆相問共言杜母真吾親使君雖老心尚壯  
文采風流諸謝上名家從昔杜陵人盛德於今丈人行  
我昔卧病老彭城畫船鳴鼓千里行致書饋奠初未識  
丁寧勞苦如平生人言此事今未有古人中求還得否

忘年屈勢不虛辱公自

一作取

為德吾何取菊潭之水甘

且潔潭上秋花照山白請公酌此壽百年奕奕長為此  
邦伯孰先一州後四方重金罍蓋登廟堂請從今日至

雲來月三十斛輸洛陽

答魏衍黃預勉余作詩

我詩淺短子貢牆衆目俯視無留藏句中有眼黃別駕  
洗滌煩熱生清涼人言我語勝黃語扶豎夜燎齊朝光  
三年不見萬里外安得一身置汝傍邇來諸子復秀發

曾未幾見加端章剩欲推藏讓頭角豈是有意羣兒傷  
於人無怨我何憾愛者尚衆猶吾鄉平生不自解嘲诮  
禍來亦復非周防我哀氣索不自振正賴好語能恢張  
詩家小魏新有聲舊傳秀句西里黃後生學行闢師友  
臨路不進空迴遑看君事業青雲上聽渠螟螣生膏肓

招黃魏二生

出門不雨即遇風閉門值睡極力攻似聞湯鼎作吟聲  
已賀勝敵收全功却思二子共一笑撥棄舊語無新工

卒行好步不兩得能致公等吾何窮魏詩黃筆今未有  
顧我獨得神所鍾徑湏相就踏泥潦已辦煮餅燒油蕙

和魏行三日

堤沙泥盡未及塵江波不動風生紋虎頭魚尾不知數  
朱旗一點來奔雲春容已老有餘態祓禊雖古無前聞  
踏青摸石脩禊祝落日帶雨催行人聽詩對月兩不厭  
頗覺過目徒紛紛君不見天寶杜陵翁屈宋才堪作近  
鄰

和魏行聞鶯

春力着人朝睡重葉底黃鸝鳴自送綠幕朱欄日觀明  
回廊側戶風簾動昨夜春回到寒谷好鳥飛來把脩竹  
整翰厲觜初一鳴已落君詩專妙獨退紅着綠春事殘  
後時獨立知何言側聽不盡已飛去懷抱此時誰與論

答黃生

冰泥斷道雪塞門遠坊累日無行人卧聞喧呼誰叫閭  
稚子往問鹿駭奔黃生學詩用一作角力新急手疾口如

翻盆衝風踏凍送七言要令寒屋回春溫是時積陰又  
黃昏叫閭索火驚四鄰邇來結字穩且勻豈不見我參  
寥君嗟吾老矣心尚存後來得子空馬羣徑湏赤手縛  
麒麟四大海水一口吞丈夫意氣抗浮雲道逢其人兩  
手分妬婦拊膺王右軍

晁無咎畫山水扇

前身一作生阮始平今代王摩詰偃屈蓋代氣萬里入方  
尺朽老詩作妙險絕天與力君不見杜陵老翁語湘娥

增悲真宰泣

嗟哉行

張生服石為石奴下潦上乾如渴鳥一朝債蹶湏人扶  
伏毒未動風出虛此生所得與昔殊韓子作志還自屠  
白笑未竟人復吁以身濟欲未必愚欲久而速反所圖  
嗟哉偉然二大夫

九月九日夜雨留智叔

騎臺九日登臨處只有歸人醉扶路千年二謝孰可代

我每苦留君只去花粗且為前人惜曲誤不解丞卿怒  
只消着帽受西風不待風流到新句

九月九日與智叔鶴堂宴集夜歸

鶴堂從昔有惡客酒盡不去仍復索欲留歌舞盡客意  
風雨和更作三厄佳辰難得客更難我窮無酒為君歡  
只欲泥行過白下萬一簾疎見一斑

謝趙使君送烏薪

欲落未落雪近人將盡不盡冬厭春風枝冰瓦有去鳥

遠坊窮巷無來人忽聞叩門聲遽速驚雞透籬犬升屋

使君傳教賜薪炭妓園那解思寒谷老身曲直不足云

冷窓凍壁作春溫定知和氣家家到不獨先生雪塞門

一作席

作門

謝寇十一惠端硯

百工營材先利器市道居貨如作贅書生活計亦酸寒  
斷甌半瓦寧求備端溪四山下龍淵鬱積中州清淑氣  
金聲玉骨石為容河江屈流雲作使滑如女膚色馬肝

夜半神光際天地諸天散花百神喜知有聖人當出世  
沒入授深索千丈探領適遭龍伯睡輶轘挽出萬人負  
千歲之藏一朝致琢為時樣供翰墨十襲包藏百金貴  
北行萬里更衆目寇卿好事不計費南鄰居士卿之孫  
豐粹相從不為異似憐陶瓦磨竈媒輟贈不減前人志  
人言寒士莫作事鬼奪客偷天破碎龜玉韞匱與無同  
錦食還客棄佳惠衆所欲得當有緣天獨於余可無意  
敢書細字注魚蟲要傳華嚴八千偈

答黃生

魏衍注云時初冬尚無冬衣先生以背子贈之堅不受到家以朱氏所贍二疋寄之

因作

詩

我無置錐君立壁春黍作糜甘勝蜜綿袍不受故人意  
藥餌肯為兒輩屈割白鷺股何足難食鷓鴣肉未為失  
暮年五斗得千里有媿寒簷背朝日

五子相送至湖陵

中年患別多作別早日諱窮常得窮勿云一水四十里  
衣冠寒郭何人同周生子病輟身出劉子遠來今幾日

石家仲叔好少年  
頗能厭俗從吾律  
魏君不獨相從早  
自君之來吾却掃  
歲月磨人孰能久  
反覆看渠難得好  
湖陵古城風日寒  
情義乃知生別難  
高懷已為故人盡  
交道應留後代看

湖陵與劉生別

觸寒歷險來特特  
媿無以當欣有得向  
來憂患不相捨  
知子用心堅鐵石  
人畏有心事無難此語雖鄙理則然  
君今意在翰墨間  
他日人爭讓一先

寄滕縣李奉議

滕大夫伯陽父孫烹小鮮治大國原一得何用五千言  
弛災決獄人不寃盛氣走訟畏討論終歲斂吏不到門  
子弟無賴皆西奔踵門父老如雲屯拊髀跳踉走兒孫  
絳幡翠節歌唄喧畫盆戴項煙如焚繡標綵軸箱帕繁  
曲躬身手前致言畜眼未見耳不聞暮年何以答此恩  
請誦華嚴壽我君

和饒節詠周昉畫李白真

君不見浣花老翁醉騎驢熊兒捉轡驥子扶金華仙伯  
哦七字好事不復千金模青蓮居士亦其亞斗酒百篇  
天所借英姿秀骨尚可似逸氣高懷那得畫周郎韵勝  
筆有神解衣槃礴未必真一朝寫此英妙質似悔只識  
如花人醉色欲盡玉色起分明尚帶金井水烏紗白苧  
真天人不用更着山巖裏平生潦倒飽丘園禁省不識  
將軍尊袖手猶懷脫靴氣豈是從來骨相屯仰視雲空  
鴻鵠舉眼前紛紛那得顧是非榮辱不到處只一作恐

朝來有新句勿言身後不要名尚得吳侯費百金江西  
勝士與長吟後來不憂身陸沈

題明發高軒過圖

滕王蛱蝶江都馬一紙千金不當價異才天縱非力能  
一作窮 畫工不是甘為下今代風流數大年含毫落筆開

山川忽忘朽老厭塵底却怪鳬鴻墮目前爾來八二復  
秀出萬古河山才咫尺眼前安得有突兀復似天地初  
開闢明窓寫出高軒過便遂愈湜聞吟哦晚知書畫真

有益却悔歲月來無多官禁修嚴斷過訪時於僻寺逢  
稅鞅秀潤如行琮璧間清明似引星辰上憂悲愉佚百  
不平河擘太華東南傾平生秀句寥區滿掇拾餘棄成  
丹青平湖遠嶺開精神斗覺文字生清新未許二豪今  
角立要知旁有衛夫人

擬古

盃中有聲囊不瘦嘆息不如帶加緊人生七十今已半  
一飽無時何可忍公侯早歲有如此奴婢蓐食支夜永

向來糠穀之子孫居鄰無傳家存井

贈知命

黑頭居士元方弟不肯作公稱法嗣外人怪笑那得知  
他日靈山親授記學詩初學杜少陵學書不學王右軍  
黃塵扶杖笑鄰女白衣騎驢驚市人靜中作業此何因  
醉裏逃禪却甚真顧我無錢呼畢曜有人載酒尋子雲  
君家魯直不解事愛作文章可人意一人可以窮一家  
怪君又以才為累請將飲酒換吟詩酒不窮人能引睡

不須無事與多愁老不欲醒惟欲醉

大風

飛砂破面風裂石平林隱隱傾霹靂野火燎原塵漲天  
道聞馬嘶不相得老翁強欲作少年立馬階除起無力  
城南桃李春意動少待明朝莫相失

回風行

懸流淘淘從天來南風五日鬪不開御風起柁虎着翼  
衝風繫纜顏死灰昨日逆風今日回萬人莫挽才浮杯

鶩牽相賀天意得秋聲滿帆風倒挽天留異態湏一怒  
造物可得無嫌猜

贈張文潛

張侯便然腹如鼓飢雷收聲酒如雨讀書不計有餘處  
尚着我輩千百許翻湖倒海不作難將軍百戰富善貲  
弟子不必不如師欲知其人視其主秋來待試丞相府  
毅馬礪兵吾甚武問周不敵聞其語一戰而霸在此舉  
百年富貴要自取入將公卿退爾汝德如墨君誰敢侮

次韵寄答晁無咎

西湖欲雨樹煙滿風葉倒垂雲覆盃望湖樓上白頭人  
獨倚闌干誰肯伴獨有詩人記病身清風千里寄行塵  
豪華信有回天力驚開桃李閑新春往事不回如過雨  
醉夢恍然忘惡語前在澶州有讀無咎文編詩因以戲之無咎今以為言人生如  
幻此何尤未信黃金貴於土愛子千篇頃刺成借將胷  
腹詫吾人吟哦怪有芳鮮氣却被湖山識姓名蘇子瞻詩云游

編錢塘湖上境歸來文字帶芳鮮

文章廢退知難强身外虛華本無望

何曾臨水惜芒鞋却解逢人拈柱杖眼根清淨塵不留

登伽過盡不回頭

來詩云不應  
越女三年留

家在中原歸未得江淮

斷道無行舟兩山相逢翻手疾欲謀一笑無寧日却慙

懷璞似周人祇可聞名不湏識

送鄜州關司法

早歲相知晚相識抵掌回頭已陳迹萬里從軍壯此行  
一筋鱸魚留不得夜靜關山秋月明莫聽嚙頭秋一作流  
水聲平世功名湏少壯看君一箭下聊城

登鳳凰山懷子瞻

一本作  
二首

蜿蜒曲龍腹山間隱樓觀孤高伏龍角浮圖刺雲漢脩林霜雪餘落葉青紅亂想見洞中人不知時節換唉唾落江東江東兩眼中舉頭觸浮雲失腳驚飛鴻逢人自笑謀身拙坐使紅塵生白髮入山便欲棄人間出山又與松筠別數篇曾見使君詩前後登臨各一時妙舞新聲難得繼清風明月却相宜朱闌行遍花間路看盡當年題壁處更有何人問使君青春欲盡花飛去

子瞻云應問使

君何處去憑花

說與春風知

古怨贈關彥長

世態輕浮君莫道相逢何必論才調鉛刀快利莫助遲  
果下翩翩望雲老人前安得無窮好應湏富貴長年少  
莫教白髮更棲遲不遭毀罵逢人笑

答無咎畫苑

卒行無好步事忙不草書能事莫促迫快手多粗疎君  
看荷葦槲缺字一扇崔家中叔三人俱掃除事物費歲月

收完神氣忘形軀恍然有得奪天巧衰顏生態能相如  
市師信手無贏餘一日畫出東封圖眼前百口怪神速  
背後十指爭揶揄君家畫苑傾東都錦囊玉軸行盈車  
補完破碎收亡逋欲得不計有與無問君此病何當祛  
君言無事聊自娛世間何事非迷途挾策未必賢擣蒲  
苑中最愛文與蘇情親不獨生同問自謂知子誰知余  
叔也不癡回不愚憐君用意常勤渠揮毫灑墨填空虛  
風稍雨葉出新意老樹僵立何年枯我生百事不留意

外物不足煩駁除翰墨纔能記名字模臨寫貌無工夫  
見溺不救危不扶獨無一物充庖厨看君髮漆顏丹朱  
意氣健如生馬駒逢人不信六十餘郁然一莖無白鬚  
呂公落寞起釣屠南山四老東宮湏人生晚達有如此  
應笑虞翻早著書

次韵蘇公蠟梅

化人乃作絪樣花何年落予空山家羽衣霓袖涴香蠟  
從此人間識尤物青瑣諸郎却未知天公下取仙翁詩

烏丸雞距寫玉葉却怪寒花未清絕北風驅雪度關山  
把燭看花夜不眠明朝詩成公亦去長使詩仙誦佳句  
湖山信美更負人已覺西湖屬此君坐想明年吳與越  
行酒賦詩聽擊鉢

奉陪內翰二友醴泉避暑

疾雷倒海不成雨墨雲御日蠶不吐深院回廊晝日一作  
景長青簾朱幕風鈴語神仙中人龍作馬翠旌絳節從  
天下竹冠芒屢紫綺裘曳杖林間觀物化清池一作照  
青蓮

眼自生涼脩竹回陰欲過廊樽酒未空高興動含毫欲  
下雲飛揚俗間道士業巫醫未語已作庸人樣但知一  
扇博百金豈識雙松到千丈蠅頭小字密着行四座歡  
叫醒而狂忽驚天姥到庭戶風篁露草鳴寒蟬回天却  
日有餘力小試席間留翰墨請公慎用補天手入佐后  
皇和五石

送張秀才兼簡德麟

長安千門憎熱客我獨憐君來解熱呼兒具飯懶出口

藜羹不糁甘一啜北州別駕玉刺麟索書往見良可人  
驛使別來無一字知有此情誰與親

寄子閔

烟昏曉寒風發屋行者抽蓬離者哭青衫白髮兩相鮮  
積雪朝陽眩雙目猛虎食子有分羹潔鷺割股謀補肉  
妻孥不用哭窮途前府故人風義篤

贈黃氏子小德

黃童三尺世無雙筆頭滾滾懸秋江不憂老子難為父

平生崛強今心降我來喜共阿戎語應敵縱橫如急雨  
生子還如孫仲謀豚犬漫多何足數黃家小兒名小德  
眉如長林目如漆只今數歲已動人老人留眼看他日  
笑君老蚌生明珠自笑此物吾家無君當置酒吾當賀  
有兒傳業更何湏

後山集卷三